



Samnanger sokn

Samnanger kyrkjekontor, Hagabakkane 1, 5650 TYSSE
Tlf.: 56 58 90 10 E-post: post@samnanger.kyrkja.no

Organisasjonsnr: 976 995 147

Samnanger kommune v. rådmannen

18 .mai 2020

SØKNAD OM BRUK AV LÅNEMIDLAR TIL KYRKJENE

I budsjettpremissane for 2019 som var vedtekne av formannskapet 12. april 2018 vart det sagt at det skulle løyvast ein fast årleg sum til vedlikehald til kyrkjene og at det skulle vurderast om kyrkja skulle få bruka lånemidlar, for å ta att etterslep på investeringar/ større vedlikehaldsprosjekt. Den gong var det snakk om prosjekt for til saman 1 125 000 kr. Det vart vurdert om kyrkja sjølv skulle ta opp lån, men økonomisjefen vurderte det slik at sidan kommunen uansett måtte garantera for lånet, var det enklaste (og kanskje rimelegaste) at kyrkja kunne nytta seg av kommunale lånemidlar frå store lån med gode vilkår.

Det vart seinare for 2019 søkt om og løyvd 700 000 kr av lånemidlar til universalt utforma toalett på Ådland, straumstyringsanlegg for begge kyrkjene og nytt sikringsskap på Ådland. Toalettet er no ferdig, og det er brukt i underkant av 300 000 kr. til dette. (inkl. utskifting av røyrssystemet til eksisterande toalett, nytt sikringsskap og ny varmtvasstank.)

Me har no bede om pristilbod på straumstyringsanlegg og el-tavle/sikringsskap. Det rimelegaste tilbodet her, er i underkant av 500 000 kr, så me manglar 100 000 for å få dette på plass.

I tillegg ynskjer kyrkjestyret å be om lånemidlar til tre prosjekt i 2020 (Jmf. Budsjettvedtak sak 40/19) Før me søkte om meir midlar, ynskte me å få oversikt over bruk av dei midlane som alt er løyvde og fleire prisar på planlagde tiltak, difor kjem denne søknaden først no.

Me vil be kommunen om å få nytta lånemidlar også i 2020 til desse tiltaka :

- | | | | |
|---|-----------------------|-------------|---------------------------|
| 1. Restfinansiering av straumstyringsanlegg og el-tavle | | 100 000 kr. | |
| 2. Nytt lydanlegg på Ådland | <i>Gamle øydelagd</i> | 120 000 kr. | |
| 3. Utskifting av lysarmatur til LED-lys på Haga | <i>HMS-tiltak</i> | 200 000 kr. | |
| 4. Ringjeanlegg på Ådland | <i>HMS-tiltak</i> | 160 000 kr. | <i>(prioritert liste)</i> |

Til saman 580 000 kr.

Sjå vedlegg for nærare omtale av tiltaka.

Til orientering:

Dei ordinære vedlikehaldsmidlane til kyrkjene, vil gå med til naudsynt ordinært vedlikehald som maling av tårnet og ristar på omnane i Ådlandskyrkja, reparasjon av roteskader og sikring av rasfarleg område ved kyrkja på Haga og reparasjon av tak og takrenner på bårhuset. Me har i tillegg fått midlar av forsikringsselskapet vårt til utvendig brannsikring av kyrkja, men må bruka litt sjølv også på dette.

Me er takksame for at kommunen hjelper oss med dette etterslepet av tiltak, der mykje har stått på venteliste lenge – men noko altså har vorte akutt.

Helsing

Britt Haukanes
Kyrkjeverje

Omtale av nye investerings-tiltak

Lydanlegg i kyrkja på Ådland

Det gamle lydanlegget er no ubrukande. To av høgtalarane er sprengde og dei to andre manglar diskant. Forsterkar og miksar er også forelda, og treng bytast for at ein skal få utnytta dei nye høgtalarane betre og få høgare kvalitet på lyden. Det er også naudsynt at det er sperring mot høge lydar, slik at det ikkje går an å sprengja høgtalarane, og at det går an å gjera ferdige innstillingar tilpassa rommet, for betre lyd. (På dei gamle går det t.d. ikkje an å leggja inn forseinking på lyden slik at lyden som kjem gjennom lufta framifrå, når deg seinare enn den som kjem gjennom høgtalarane. Då vert det grautete lyd lengst bak.)

Ved desse pristilboda (120 000 kr), er det særskild høg kvalitet på høgtalarar og forsterkar og ein miksar som er enkel å bruka til gudstenester, gravferder og vigsler, men der ein også har litt for ein lydteknikar å stilla på til konsertar. Det vil også vera med monitorar, og ein høgkvalitets mikrofon for solosang. Skal ein ha store konsertar, kan det også koplast til ein større konsertmiksar til anlegget. (Dei fleste tilreisande «proffar», ynskjer ofte nytta sitt eige utstyr i kombinasjon med kyrkja sitt.)

Anlegget kan byggjast ut med tilleggsutstyr seinare, om ein ynskjer det.

Dette er ei *hastesak*, og me håpar å få nytt anlegg på plass i løpet av sommaren. Det er viktig at folk høyrer det som vert sagt, og at song og musikk ikkje vert skjemd av dårleg lydanlegg.

Utsifting av lysarmatur i kyrkja på Haga.

HMS-tiltak

20-30 lampar er øydelagde, og armaturen må skiftast. Det er område i kyrkja det er for mørkt ved arrangement, t.d. leksehjelp for «kompisane» og lys til pensjonisttreffa. Det er også for lite lys for reinhaldaren og kyrkjemusikaren, og vil vera eit HMS-tiltak for deira del. Det ser heller ikkje fint ut reint estetisk, med så mange mørke felt i «lys-stripene» som følger bjelkane i kyrkja.

Armaturen er spesialbygd inn i lyskassar laga til kyrkja. Den nye armaturen går ikkje saman med den gamle, og difor må heile felt skiftast for å kunna styra lyset. Eit godt alternativ er å byta lysarmaturen ut med led-striper som vert monterte inne i dei gamle lyskassane. Det vil forenkla arbeidet og spare oss for ein god del straumforbruk i etterkant.

Pristilboda me har på dette arbeidet, er forelda, og ikkje på LED. Iflg. elektrikarane, vil det ikkje verta rimelegare med LED sjølv om monteringa er enklare, då dei er dyrare i innkjøp. Ca det same. Prisen på 200 000 er oppjustert og omtrentleg.

Ringjeanlegg på Ådland.

HMS-tiltak

Trappene opp til tårnet er ikkje godkjende for arbeidstakarar å bruka. (For bratte)

Det er dessutan berre folk med opplæring i å ringja med tau, som kan vera vikar for kyrkjetenaren. Ringinga er tungt arbeid og ikkje heilt enkelt å få til.

Ved eit automatisk ringjeanlegg kan ein ringja, kima, slå bedeslag og opna luker berre ved å trykkja på ein knapp. Det er også fjernstyring for bruk på gravplassen under gravferder, og med 1 km. rekkevidde. Det vil verta både sikrare og enklare å arbeida som kyrkjetenar med eit slikt anlegg og mykje enklare å skaffa vikarar for han.

Prisoverslag etter synfaring. Olsen Nauen Klokkestøperi. Oppjustert